

A Punta Ala

A Punta Ala simm' jute a' scola,
so' già vint' anne, eppure pare ajere,
perciò vulimmo di' quacche parola,
scegliennola tra chelle cchiù sincere.

E' stato nu passaggio d'esperienza
tra chi già sape e chi se vo' 'mpara',
tra chi ce trasmetteva tutta 'a Scienza
e chi senteva, c' 'a smania 'e s'affina'.

E hamm' 'mparato 'o semplice concetto
che, senza egoismo e falsità,
tra Miedece s' addà purta' rispetto,
cercanno sempe 'o valore 'e l'Unità.

**'A Medicina nosta è n'ata cosa,
c'insegna ch' è 'na persona ogni uomo,
fatto a petali sì, comme a 'na rosa,
ma si se sfronna, po',.... perde 'o profumo.**

Chisto è 'o segreto d' 'a saggezza antica,
chi ce 'o tramanda è a Medicina Interna,
pe' praticarla ce costa 'na fatica,
ma, dopp' i secoli, rimane sempe eterna.

Vola cchiù in alto 'o Miedeco Internista,
se porta 'ncuollo 'a preoccupazione
c' addà tene' cchiù largo 'o punto 'e vista,
ma cchiù grossa è, po', 'a suddisfazione.

Vo' bbene 'a scienza e nun è provinciale,
capisce che, si cerca 'a qualità,
s'addà 'ncuntra' c' 'a gente cchiù speciale,
senza paura mai 'e se confronta'.

E a Punta Ala è pane quotidiano,
chi nun è buono nun fa 'a Relazione:
nun 'o conosci ? tene 'o nomme strano ?
sicuro... nun sarrà mai 'nu bidone.

Tutte 'e dialetti, po', song' invitati,
d' 'o Sud, 'o Nord e 'o Centro d' 'o stivale,
tra nuje, ccà, ce simm' affezionati
senza 'nu pregiudizio regionale.

E all' Aggregante* 'e Punta Ala, infine,
c' 'a fatto nascere tutte st' amicizie,
mettenno insieme tutte 'sti piastrine,
nuje mò dicimmo, cu tutt' 'o core: "Grazie" !

Ormai simm' piastrine già attivate,
purtammo in circolo 'sta filosofia
e pe' 'sta Sanità, sempe malata,
fermammo, almeno, qualche emorragia.

Ma ce vulessero mille Punta Ala,
tutta l' Italia avesse fa' 'n ' osmosi,
pe' fa' sagli 'nu poco 'stu morale
e prevenì 'o rischio d' 'a trombosi.

Comme quann 'e piastrine so' agitate,
deragliano c' 'a trombizzazione,
accussì quann' 'o duttore è strapazzato
accumincia a pensa' sulo 'a pensione.

Ma chi vene a Punta Ala è vaccinato,
nun fa sulo 'o duttore pe' missione,
ma se diverte, per hobby, a fa' 'o scienziato
c' 'a vecchia nobiltà d' 'a professione.

Firmato The Platelets

di Cecco Gambizzato, 2000

* Aggregante 'e Punta Ala = Prof G. G.
Neri Sernerì